

2023թ.
առաջին կիսամյակի
հաշվետվություն

Քունիս 30, 2023



ԲՈՎԱՆՊԱԿՈՒԹՅՈՒՆ

ԸՆԴՀԱՆՈՒՐ ՏԵՂԵԿՈՒԹՅՈՒՆՆԵՐ

Ամերիաբանկ՝ համառոտ ակնարկ

2023թ. առաջին կիսամյակի հիմնական ցուցանիշները և ձեռքբերումները

2023թ. առաջին կիսամյակ՝ հակիրճ անդրադարձ

ՌԱԶՄԱՎԱՐԱԿԱՆ ՀԱՃՎԵՏՎՈՒԹՅՈՒՆ

Ամերիաբանկի բիզնես-մոդելը և ռազմավարությունը

Արտաքին գործոններ. ՀՀ տնտեսությունը

Արտաքին գործոններ. ՀՀ մակրոտնտեսական ցուցանիշները

Բանկի միջնաժամկետ նպատակները

Ամերիաբանկի հիմնական ռազմավարական ձեռքբերումները 2023թ. առաջին կիսամյակի դրությամբ

ՌԻՍԿԵՐԻ ԿԱՌԱՎԱՐՈՒՄ

Հիմնական ռիսկեր

2023թ. առաջին կիսամյակի ամփոփ նկարագիր

02

03

04

05

06

07

11

12

13

14

17

18

22

ԿԱՌԱՎԱՐՄԱՆ ՀԱՃՎԵՏՎՈՒԹՅՈՒՆ

Ուժեղ թիմ և կորպորատիվ մշակույթ

Կորպորատիվ կառավարման կառուցվածքը

Տնօրենների խորհուրդ

Տնօրենների խորհրդին կից կոմիտեներ

Տնօրինություն

ՖԻՆԱՆՍԱԿԱՆ ՀԱՃՎԵՏՎՈՒԹՅՈՒՆՆԵՐ

ՀԱՃՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

23

24

25

26

27

28

29

34



Ընդհանուր տեղեկություններ



Ամերիաբանկ՝ համառոտ ակնարկ

Ամերիաբանկը Հայաստանի առաջատար ֆինանսական հաստատությունն է և ՀՀ տնտեսական ոլորտի առավել նշանակալի դերակատարներից մեկը: Հանդիսանալով դինամիկ զարգացող ունիվերսալ բանկ՝ Ամերիաբանկն իր սպասարկման բազմաֆունկցիոնալ հարթակի միջոցով մատուցում է նորարարական բանկային ծառայությունների ընդարձակ փաթեթ՝ թվային պրոդուկտների հստակ շեշտադրմամբ: Բանկն առաջնորդվում է հաճախորդամետ քաղաքականությամբ՝ թվային ժամանակակից միջավայրում սպասարկման բարձր որակ և բանկային փորձառություն ապահովելու նպատակով:

Ամերիաբանկը որդեգրել է բիզնեսի պատասխանատու վարման քաղաքականությունը՝ նպաստելով Հայաստանի անցմանը դեպի կայուն ապագա:



2023թ. առաջին կիսամյակի հիմնական ցուցանիշները և ձեռքբերումները

Ընդհանուր ակնարկ

- Կորպորատիվ, ներդրումային և մանրածախ բանկային ծառայություններ մատուցող առաջատար ունիվերսալ բանկը Հայաստանում
- Մեծ ներդրում Հայաստանի բանկային համակարգի զարգացման մեջ
- Շարունակական գնահատանք և որակի ճանաչում հեղինակավոր միջազգային հաստատությունների կողմից
- Հնարավոր ամենաբարձր վարկանիշ՝ սուվերեն վարկունակության սահմանափակումների շրջանակներում



25
մասնաճյուղ



1556
աշխատակից




Բանկոմատների
ամենամեծ
ցանցը
մայրաքաղաքում



vPOS
տերմինալների
խոշորագույն
ցանցը երկրում



POS տերմինալների
ամենամեծ ցանցերից
մեկը երկրում



Վարկանիշ


S&P

Երկարաժամկետ	BB-
Կարճաժամկետ	B
Հեռանկարը	Կայուն
SACP	BB-

Moody's

Բանկային ավանդներ	Ba3/NP
BCA	ba3
CRA	Ba2(cr)/NP(cr)
Հեռանկարը	Կայուն

Բաժնետիրական կառուցվածք



2023թ. առաջին կիսամյակի հակիրճ անդրադարձ

2023թ. 2-րդ եռամսյակի արդյունքները

840 մլրդ
ՀՀ դրամի վարկեր*

934 մլրդ
ՀՀ դրամի ավանդներ**

1,252 մլրդ
ՀՀ դրամի ակտիվներ

177 մլրդ
ՀՀ դրամի սեփական կապիտալ

1,075 մլրդ
ՀՀ դրամի պարտավորություններ

21.7 մլրդ
ՀՀ դրամի շահույթ

- Կայուն ֆինանսավորման գծով չորս մրցանակ Global Finance ամսագրի կողմից՝
 2023թ. կայուն ֆինանսավորման գծով Հայաստանի լավագույն բանկ
 2023թ. ակնառու առաջնորդություն կայուն նախագծերի ֆինանսավորման գծով Կենտրոնական և Արևելյան Եվրոպայում
 2023թ. ակնառու առաջնորդություն կանաչ պարտատոմսերի գծով Կենտրոնական և Արևելյան Եվրոպայում
 2023թ. ակնառու առաջնորդություն անցումային/կայուն զարգացմանն ուղղված վարկերի գծով Կենտրոնական և Արևելյան Եվրոպայում
- Հայաստանի հեռահաղորդակցության ոլորտի առաջատար ընկերության՝ Team Telecom Armenia-ի բաժնետոմսերի տեղաբաշխողը՝ առաջնային հրապարակային տեղաբաշխման շրջանակներում
- Զուտ շահույթի բարձր ցուցանիշ՝ 21.7 մլրդ ՀՀ դրամի, որը 13.4%-ով բարձր է նախորդ տարվա ցուցանիշից:
- Բեռնաթափման ցուցանիշը և կանխիկ գործառնությունների գծով բեռնաթափման ցուցանիշը կազմել են համապատասխանաբար 98% և 82%, իսկ ինտերնետ-բանկինգի օգտագործման ցուցանիշը՝ 73%, ինչը 10 տոկոսային կետով բարձր է տարեվերջի ցուցանիշից:
- Հաճախորդների հավատարմության գործակիցը կազմել է 77.3%, իսկ հաճախորդների փորձառության գործակիցը***՝ 9.8:



* Առանց արժեզրկման մասհանումների, բայց ներառյալ առևտրի ֆինանսավորումը

**Ընթացիկ հաշիվներ, ժամկետային ավանդներ և պարտատոմսեր

***NPS՝ Հաճախորդների հավատարմության գործակից
CEI՝ Հաճախորդների փորձառության գործակից, որի առավելագույն արժեքը 10 է



Ռազմավարական հաշվետվություն



Ամերիաբանկի բիզնես մոդելը և ռազմավարությունը

Հաճախորդներին որակյալ բանկային և ներդրումային, այդ թվում նորարար թվային լուծումներով պայմանավորված ծառայություններ տրամադրելու նպատակով Բանկը սահմանել է հետևյալ առաքելությունը՝ ԲԱՐԵԼԱՎԵԼ ԿՅԱՆՔԻ ՈՐԱԿԸ՝

- տրամադրելով հաճախորդներին ՄԻՋԱԶԳԱՅԻՆ ՈՐԱԿԻ ֆինանսական ծառայություններ և գործարար լուծումներ,
- իրականացնելով հասարակության ԲԱՐՕՐՈՒԹՅԱՆ համար նշանակալի բիզնես և սոցիալական ծրագրեր,
- ձևավորելով յուրահատուկ կորպորատիվ մշակույթ և միջազգային ընկերության զարգացման սեփական մոդել՝ ՄԻԱՎՈՐԵԼՈՎ ՀԱՋՈՂԱԿ ՄԱՐԴԿԱՆՑ,
- շարունակաբար ԱՎԵԼԱՑՆԵԼՈՎ մեր ԲԱԺՆԵՏԻՐԱԿԱՆ ԱՐԺԵԶԸ:

Բանկի տեսլականն է՝ **լինել ֆինանսական և տեխնոլոգիական վստահելի միջավայր՝ առաջարկելով կյանքի որակը բարելավելու ամբողջական լուծումներ:**

Բանկն իր գործունեության ընթացքում առաջնորդվում է հետևյալ երեք հիմնական արժեքներով՝ հաճախորդների բավարարվածության բարձր մակարդակ, աշխատանքի ու սպասարկման բարձր որակ, արհեստավարժություն և թիմային ոգի: Հիմնվելով վերոնշյալ արժեքների վրա՝ Բանկը կշարունակի ձևավորել ՀՀ բանկային համակարգում բարձր արդյունավետությամբ աչքի ընկնող կառավարման համակարգ և ներդնել կառավարման մշակույթի նոր արժեքներ, որոնք ոչ միայն կնպաստեն Բանկի հետագա գործունեության բարելավմանը, այլ նաև օրինակելի մոդել կհանդիսանան այլ տնտեսվարողների համար:

Բանկը բիզնեսի զարգացման էական ուղղություններ է համարում.

- թվային ծառայությունների հետագա բարելավումը և բազմազանեցումը
- բանկային ծառայություններից հեռավար օգտվող հաճախորդների մասնաբաժնի ավելացումը



Ամերիաբանկի բիզնես մոդելը և ռազմավարությունը (շարունակություն)

- գործառնական բանկային ծառայությունների կշռի ավելացումը
- սպասարկման բոլոր ուղիներով հաճախորդների բավարարվածության ավելացումը
- մանրածախ բիզնեսի զարգացումը՝ նպատակային ֆինանսավորման միջոցով
- ՓՄՁ ուղղության զարգացում
- անկանխիկ շրջանառության և գործիքների աճը

Իր գործունեության զարգացման ներկայիս փուլում Բանկն էլ ավելի է արժևորում տեղեկատվության և (կամ) վերլուծությունների հիման վրա որոշումների կայացման կարևորությունը: Այս առումով Բանկն իրականացնում է համապատասխան տեղեկատվական բազաների կառուցման և դրանց հիման վրա կիրառական վերլուծությունների ավելի ինտենսիվ իրականացման նախագծեր: Բացի տեղեկատվության կարևորումից, Բանկի ղեկավարության համար առանձնացվել են ռազմավարական ուշադրությանն արժանի **հիմնական անկյունաքարեր**.

- Լինել **շուկայի առաջատարը**. ապահովել մրցակիցների համեմատ առաջանցիկ օրգանական աճի տեմպեր և միևնույն ժամանակ շարունակել դիտարկել ոչ օրգանական աճի հնարավորությունները: Շուկայի առաջատար դիրքերը պահպանելու նպատակով Բանկն ակնկալում է առավել մեծ ուշադրություն դարձնել կապիտալի արդյունավետ օգտագործմանը և շարունակել խթանել գործառնական բանկային ծառայությունները: Ելնելով ներկայիս դեմոգրաֆիական իրավիճակից և հաշվի առնելով բանկային ծառայությունների ներկայիս ծածկույթը՝ Բանկը պլանավորում է էականորեն ավելացնել նոր հաճախորդների քանակը, էապես բարելավել գործող հաճախորդներին խաչաձև վաճառքները:
- Բարձրացնել **արդյունավետությունը**. ապահովել կապիտալի շահութաբերության պատշաճ, ինչպես նաև ծախսերի և եկամուտների հարաբերակցության գործակցի առավել ցածր մակարդակ: Արդյունավետության բարձրացման ապահովման նպատակով Բանկն իրականացնում է մի շարք նախագծեր, որոնք ուղղված են ներքին գործընթացների և գործառույթների ավտոմատացմանը, կառուցվածքային և բիզնես մոդելի օպտիմալացմանը:



Ամերիաբանկի բիզնես մոդելը և ռազմավարությունը (շարունակություն)

- Ընդլայնել **թվայնացման** ծավալները. դառնալ հեռահար բանկային ծառայություններ մատուցող առաջատար բանկ՝ հնարավորինս ավտոմատացնելով գործընթացները: Բանկն արդեն իսկ իրականացնում է, ինչպես նաև ապագայում նախատեսում է իրականացնել մի շարք նախագծեր, որոնք մեծապես կնպաստեն թվային կապուղիների ընդլայնմանը, մի շարք պրոդուկտներ կթվայնացվեն: Այդ ամենը կնպաստի թվայնացման ծավալների ավելացմանը, ինչն էլ իր հերթին կհանգեցնի հաճախորդների փորձառության բարելավմանը:
- Ընդլայնել **հաճախորդների փորձառությունը**. լինել հաճախորդակենտրոն Բանկի գործունեության բոլոր ուղղություններում, ապահովել հաճախորդների լոյալության և հաճախորդների փորձառության ինդեքսի ամենաբարձր ցուցանիշները: Բանկը մշտապես ներդրումներ է կատարում Բանկի անձնակազմի վերապատրաստումների ուղղությամբ, ինչի արդյունքում կատարելագործվում են անձնակազմի հաղորդակցման հմտությունները և աճում է սպասարկման որակը: Այս բոլոր գործողությունները կնպաստեն հաճախորդների բավարարվածության բարձրացմանը:

Բանկի միջնաժամկետ քանակական և որակական նպատակները բխում են առաջատար ունիվերսալ բանկ դառնալու ռազմավարական զարգացման ուղղությունից, Բանկի առաքելությունից, ուժեղ և թույլ կողմերից:

Իր զարգացման ներկա փուլում Բանկը նաև առաջնահերթություն է տալիս **տվյալների վրա հիմնված որոշումների կայացմանը**: Այդ նպատակով Բանկը սկսել է ավելի ճկուն և համապարփակ դարձնել իր տվյալների բազաները՝ այսպիսով որոշումների կայացման հիմքում ավելի մեծ տվյալներ և ընդգրկուն վերլուծություններ դնելու նպատակով:



Ամերիաբանկի բիզնես մոդելը և ռազմավարությունը (շարունակություն)

Բանկի գործունեությունը մեծապես պայմանավորվում է արտաքին միջավայրում տեղի ունեցող իրադարձություններով: Բանկը սեփական հաճախորդների կարիքները բավարարելու համար գործունեություն է ծավալում ինչպես ներքին, այնպես էլ արտաքին շուկաներում, ուստի Բանկի գործունեության վրա ազդում են և՛ հայրենական, և՛ միջազգային շուկաներում տեղի ունեցող իրադարձությունները:

Արտաքին գործոնների հետ կապված իրավիճակի կայունացման հեռանկարները դեռևս մնում են մշուշոտ՝ բարձր գնաճի, տոկոսադրույքների շարունակական բարձրացման և աճող անորոշությունների ֆոնին: Համաշխարհային տնտեսությունը բախվում է ցածր աճի երկարատև շրջանի ռիսկին, և խոշոր տնտեսությունների մեծ մասում հիմնական առաջնահերթությունը մնում է գնաճի դեմ պայքարը՝ միաժամանակ ապահովելով ֆինանսական կայունությունը:

Բանկի գործունեության վրա էական ազդեցություն ունեցել հիմնական արտաքին գործոններն են.

- Ռուս-ուկրաինական կոնֆլիկտով պայմանավորված համաշխարհային տնտեսության, այդ թվում հիմնական առևտրային գործընկերների անկայուն տնտեսական իրավիճակը, դեռևս պահպանվող անորոշությունն ու աշխարհաքաղաքական ռիսկերը:
- Համաշխարհային գնաճի բարձր տեմպերը: Չնայած պարենի և էներգակիրների գները վերջին մեկ տարում զգալի նվազել են, և համաշխարհային տնտեսության վրա ինֆլյացիոն ճնշումները որոշակի թուլացել են, այդուհանդերձ կանխատեսվում է, որ շատ երկրներում գնաճը դեռևս կմնա կենտրոնական բանկի թիրախներից շատ ավելի բարձր:
- Միջազգային ֆինանսական շուկաներում տոկոսադրույքների շարունակական աճը. կենտրոնական բանկերը շարունակում են զսպող քաղաքականության իրականացումը՝ կենտրոնանալով գների կայունության վերականգնման և ֆինանսական վերահսկողության ու ռիսկերի մոնիթորինգի ուժեղացման վրա:
- Համաշխարհային ֆինանսական համակարգում պայմանների խստացումը՝ պայմանավորված տարեսկզբին ամերիկյան և շվեյցարական բանկային համակարգերում գրանցված ցնցումներով:

Չնայած արտաքին տնտեսական մարտահրավերներին՝ Հայաստանի տնտեսության դինամիկան բարձր աճը միտում ունի, ինչը դրական նախադրյալներ է ստեղծում Բանկի հետագա օրգանական աճի համար: 2023թ.-ի հունվար-հունիսին տնտեսական ակտիվության ցուցանիշը կազմել է 11.4%: Միջազգային կազմակերպությունների վերջին կանխատեսումների համաձայն՝ 2023թ. ՀՀ ՀՆԱ աճը կկազմի 5-6%: ՀՀ ԿԲ կանխատեսում է 6.9% տնտեսական աճ 2023 թ. համար: Ինֆլյացիոն ճնշումները զգալի թուլացել են, և 2023թ. առաջին կիսամյակում 12-ամսյա գնաճը կազմել է 4.2%, ընդ որում, միայն հունիս ամսին գրանցվել է 0,5% գնանկում:




Արտաքին գործոններ. ԶՅ տնտեսությունը

Ընդհանուր տեղեկություններ

ՀՆԱ՝ 19.5 մլրդ (2022, ԱՄՆ դոլարի ընթացիկ փոխարժեքով)
 Մեկ շնչին բաժին ընկնող ՀՆԱ-ն՝ 6.57 հազար (2022, ԱՄՆ դոլարի ընթացիկ փոխարժեքով)
 Moody's-ի վարկանիշ՝ Ba3 (կայուն)
 Fitch-ի վարկանիշ՝ BB- (կայուն)
 S&P վարկանիշ՝ BB- (կայուն)


Դիվերսիֆիկացված տնտեսություն

ՀՆԱ-ի կառուցվածքն ըստ արտադրության ճյուղերի*




*վերջին 4 եռամսյակը

ՀՆԱ-ի բարձր միջին աճ և ցածր գնաճ
 2013-2022



Ամենակայուն արժույթը տարածաշրջանում

(ԱՄՆ դոլարի նկատմամբ տարածաշրջանի այլ արժույթների փոխարժեքների դինամիկա)**




**Փոխարժեքի օրական տատանումները՝ որպես հիմք ընդունելով 2014թ. հունվար ամիսը Աղբյուր՝ Bloomberg




Արտաքին գործոններ. ՀՀ մակրոտնտեսական ցուցանիշներ


AMD/USD (միջին օրական)



AMD/EUR (միջին օրական)



AMD/RUB (միջին օրական)



Հիմնական ցուցանիշները

• 2023թ. սկզբում Հայաստանի տնտեսական ակտիվությունը բարձր ցուցանիշներ գրանցեց, սակայն հետագայում աճը դանդաղեց՝ պայմանավորված նախորդ տարվա տնտեսական ակտիվության բարձր ցուցանիշի բազային էֆեկտով: 2023թ. հունվար-հունիս ամիսներին տնտեսական ակտիվության ինդեքսը (ՀՆԱ-ի աճն արտահայտող ցուցանիշը) կազմել է 11.4%, ինչը մի փոքր ցածր է նախորդ տարվա նույն ժամանակահատվածի ցուցանիշից: Աճի հիմնական խթաններն էին ծառայությունների ու առևտրի ոլորտները և շինարարությունը: Արդյունաբերության (մասնավորապես արտադրության) և գյուղատնտեսության ոլորտները նույնպես նպաստել են տնտեսական գործունեությանը՝ թեև ավելի փոքր ծավալով:

• Գնաճը շարունակել է թուլանալ դրամավարկային քաղաքականության խստացման հետաձգված ազդեցության, դրամի արժևորման, ներմուծվող մեքենաների և տրանսպորտի գների շնորհիվ: 2022թ. վերջում 8.6% գազաթնակետին հասնելուց հետո 2023թ. վեց ամսվա ընթացքում գնաճը նվազել է՝ կազմելով 4.2%, ինչը 3 տոկոսային կետով ցածր է 2023թ. 1-ին եռամսյակի ցուցանիշից: Այն շարունակում է մնալ ամենացածր ցուցանիշը տարածաշրջանում: Հիմնական գնաճի ցուցանիշը նույնպես նվազում է՝ 2023թ. 1-ին եռ. 8%-ից իջնելով մինչև 1.5% հունիս ամսին (տարեկան կտրվածքով):


• Արտաքին առևտուրը և դրամական փոխանցումները գրանցել են բարձր տարեկան աճ: Ակնկալվում է, որ ընթացիկ հաշվի պակասուրդի ցուցանիշը մի փոքր կաճի, սակայն այն ամեն դեպքում ցածր է պատմականորեն գրանցված միջին ցուցանիշներից: Սա հիմնականում պայմանավորված է ներմուծման ծավալների աճով, որը գրանցվել է ներքին բարձր պահանջարկի արդյունքում:

• 2023թ. 1-ին կիսամյակի արդյունքներով ՀՀ դրամն ԱՄՆ դոլարի նկատմամբ արժևորվել է 16.8%-ով 2022թ. 1-ին կիսամյակի համեմատ (միջին օրական փոխարժեքով), սակայն վերջին ամիսներին փոխարժեքը կայուն է եղել:


• Արձանագրվել է միջազգային պահուստների զգալի կուտակում տարեկան 13% աճով:

Աղբյուր՝ ՀՀ Վիճակագրական կոմիտե, ՀՀ ԿԲ


Ընթացիկ վճարային հաշվեկշիռ*




Միջազգային պահուստներ




ՍԳԻ (12 ամիս)




Արտահանում և ներմուծում



Մասնավոր փոխանցումներ**



Տնտեսական ակտիվության ինդեքս (12 ամիս)




* Թարմացված տվյալները դեռևս առկա չեն:

**Փոխանցումները ներառում են ֆիզիկական անձանց՝ բանկերի միջոցով կատարվող ընդհանուր առևտրային և մասնավոր փոխանցումները:




Բանկի միջնաժամկետ նպատակները



Ամերիաբանկի հիմնական ռազմավարական ձեռքբերումները 2023թ. առաջին կիսամյակի դրությամբ

Հաճախորդակենտրոն թվային էկոհամակարգեր



50% տարեկան
Մոբայլ և ինտերնետ
-բանկինգ համակարգերի
օգտատերեր



49%
Թվային ուղիներով վաճառքների
մասնաբաժին




87% տարեկան աճ
Գործարքներ մոբայլ և
ինտերնետ-բանկինգ
համակարգով




98%
Բեռնաթափման ցուցանիշ*

Ինտերնետ-բանկինգի օգտագործման գործակից



Կանխիկ գործառնությունների գծով բեռնաթափման ցուցանիշ**



Ամերիաբանկի հիմնական ռազմավարական ձեռքբերումները 2023թ. առաջին կիսամյակի դրությամբ (շարունակություն)

Հաճախորդների
գերազանց սպասարկում
եւ բարձր
բավարարվածություն

Ընթացիկ կարգավիճակ

77.6%
Հաճախորդների
հավատարմության գործակից
9.6
Հաճախորդների
փորձառության գործակից

Միջնաժամկետ նպատակներ

≥ 70%

≥ 9.3

Առցանց շուկայական
հարթակներ/
Էկոհամակարգեր

Ներդրված Էկոհամակարգեր

- Ավտոշուկա
- Անշարժ գույքի շուկա
- Էլեկտրոնային առևտուր
- ՓՄՁ էկոհամակարգեր

Էկոհամակարգերի շուկայի ծածկույթի գործակից

≥ 50%

Աշխատակիցների
բավարարվածություն եւ
բարեկեցություն

82%
Աշխատակիցների
բավարարվածության
գործակից

≥ 80%



Ամերիաբանկի հիմնական ռազմավարական ձեռքբերումները 2023թ. առաջին կիսամյակի դրությամբ (շարունակություն)

Կայունության ապահովման ռազմավարություն


Երկարաժամկետ պարտավորություն
ստեղծելու կայուն միջավայր և աջակցելու մեր հաճախորդներին չեզոք ածխածնային տնտեսությանն անցնելու գործում:



Կանաչ պարտատոմսերի թողարկում

- **Կանաչ պարտատոմսերի** առաջին թողարկողը Հայաստանում
- Կանաչ պարտատոմսերի թողարկում **62* մլն ԱՄՆ դոլարի**

Տեղաբաշխում



Ազդեցություն**

116,144 տոննա ածխաթթու գազի արտանետումներից խուսափում

286,232,459 կՎտ-ժ արտադրված մաքուր էներգիայի ընդհանուր տարեկան ծավալ

Բիզնեսի պատասխանատու վարում եւ ներդրում հասարակության բարօրության գործում

- **ՇՆՍ ռիսկերի կառավարում** լավագույն փորձին համապատասխան
- **2022թ. ԿՍՊ ծրագրերին հատկացվել է 180 մլն ՀՀ դրամ:**



Երեխաների առողջություն ու բարեկեցություն



Կրթական ծրագրեր



Ենթակառուցվածքի և համայնքի զարգացման ծրագրեր



*42 մլն եվրո, 3 մլրդ ՀՀ դրամ, 8 մլն ԱՄՆ դոլար
**Կանաչ պարտատոմսերի ազդեցության մասին 2022թ. հաշվետվություն



Ռիսկերի կառավարում



Հիմնական ռիսկեր

Մակրոտնտեսական ռիսկեր

2023թ.-ի առաջին կիսամյակում ՀՀ տնտեսությունը գործել է արտաքին միջավայրի դանդաղ տնտեսական աճի և մեղմացող գնաճի պայմաններում: Համաշխարհային տնտեսական աճի տեմպերի դանդաղումը մասամբ պայմանավորված է աշխարհաքաղաքական անորոշությունների բարձր մակարդակով և գների նվազմանը ուղղված զսպող դրամավարկային քաղաքականություններով: Չնայած գնաճի դանդաղմանը՝ դեռևս ակնկալվում է զսպող դրամավարկային քաղաքականություն ՀՀ հիմնական գործընկեր երկրներում պայմանավորված առկա աշխարհաքաղաքական անորոշություններով և գործազրկության մակարդակի նվազումից առաջացած գնաճային հավելյալ ճնշումներով, ինչը կարող է հանգեցնել հիմնական նպատակային տոկոսադրույքների ներկայիս բարձր մակարդակի պահպանմանը: ՀՀ-ում տնտեսական աճի բարձր տեմպը շարունակվում է: Տնտեսական աճին նպաստող հիմնական գործոններից են արտաքին շուկայից ծառայությունների նկատմամբ բարձր պահանջարկը և շինարարության ոլորտում գրանցած աճը: Տնտեսական աճին զուգահեռ նաև էականորեն նվազել է գնաճը: Մինչև տարեվերջ մակրոտնտեսական միջավայրի սպասումներում առկա են անորոշություններ՝ կապված աշխարհաքաղաքական իրավիճակի հետագա զարգացումների, ՀՀ տնտեսության վրա էական ազդեցություն ունեցող երկրներում սպասվող տնտեսական աճի տեմպերի, դրամավարկային քաղաքականությունների միտումների հետ: (ՀՀ մակրոտնտեսական ցուցանիշների մասին առավել մանրամասն ծանոթանալու համար տե՛ս «Ռազմավարական հաշվետվություն» բաժինը):

Ամերիաբանկը 2023թ.-ի առաջին կիսամյակում գործում էր սահմանված ռիսկի ախորժակի շրջանակներում. ամենահավանական սցենարներով հաշվարկված սթրես թեստերը և կանխատեսումները ցույց են տալիս, որ 2023 թվականի ընթացքում ռիսկերի մակարդակը չի գերազանցի նախանշված սահմանաչափերը՝ տնտեսական իրավիճակին համահունչ սահմանված ֆինանսական թիրախային ցուցանիշների ապահովման դեպքում:

Վարկային ռիսկ

Ամերիաբանկի չաշխատող վարկերի ցուցանիշը (ըստ ՖՀՄՄ մեթոդաբանության) նախորդ տարվա նույն ժամանակաշրջանի համեմատ բարելավվել է 1.0 տ.կ-ով և կազմել է 1,9%, որը չի գերազանցում Բանկի կողմից սահմանված ընդունելի մակարդակը և բանկային համակարգի համապատասխան ցուցանիշը: Կորպորատիվ վարկերի պորտֆելում այդ ցուցանիշը կազմել է 2.1%, իսկ մանրածախ վարկերի պորտֆելում՝ 1.7%: Երկու պորտֆելների գծով տեղի է ունեցել ցուցանիշի բարելավում: Հավանական վարկային ռիսկերի գծով Բանկի կողմից ստեղծված է համապատասխան պահուստ՝ ծածկման գործակիցը կազմում է 88.9%:

Վարկավորման ընթացքում Բանկի կողմից կիրառվող ռիսկի զսպման գործիքները, ինչպիսին են ոլորտային և պրոդուկտային դիվերսիֆիկացիան, արտարժույթային վարկերի ռիսկի հեջավորումը, վճարունակության ցուցանիշների նվազագույն արժեքները, թույլ տվեցին ապահովել պորտֆելի որակի կայունությունը:



Հիմնական ռիսկեր (շարունակություն)

Շուկայական ռիսկեր

2023թ.-ի առաջին կիսամյակի արդյունքներով շուկայական ռիսկերից առաջացած վնասները չեն գերազանցել տվյալ գծով սահմանված ռիսկի ախորժակը: Տարեսկզբից շուկայական բաց դիրքերի վերազնահատումների հանրագումարը եղել է դրական:

Բացասական վերազնահատումների աղբյուրները եղել են արտարժույթային և տոկոսադրույքի ռիսկերը:

Արտարժույթային բաց դիրքի բացասական վերազնահատումների շոշափելի մասը առաջացել է ԱՄՆ դոլարի՝ Դրամի նկատմամբ կտրուկ տատանումների հետևանքով, սակայն կուտակված վնասները ծածկվել են փոխարկումների արդյունքում գոյացած հավելյալ եկամտաբերությամբ: Բաց արտարժույթային դիրքերը բացարձակ մեծությամբ միջինում չեն գերազանցել Բանկի կապիտալի 5%-ը, իսկ գնահատված սպասվող ռիսկը չի գերազանցել հատկացված ռիսկի ախորժակի 20%-ը:

Վերազնահատվող արժեթղթերի պորտֆելի տարեսկզբից կուտակային վերազնահատումը եղել է դրական՝ մեծամասամբ պայմանավորված ՀՀ դրամային և արտասահմանյան պետական արժեթղթերի մինչև մարում եկամտաբերությունների նվազմամբ: Արժեթղթերի պորտֆելի ռիսկը 2023թ. առաջին կիսամյակում կառավարվել է սահմանափակ դյուրացիայի (~2.6 տարի) և սահմանափակ կենտրոնացումների պայմաններում: Բանկի արժեթղթերի պորտֆելը բաղկացած է առավելապես ՀՀ և արտասահմանյան բարձր վարկանիշ ունեցող պետական պարտատոմսերից (շուրջ 91%), ինչն էապես նվազեցնում է պորտֆելում վարկային ռիսկը:

Տոկոսադրույքի ռիսկից առաջացած ոչ էական (ոչ ավելի, քան կապիտալի 0.01%) վնասներ կուտակվել են փոփոխվող տոկոսադրույքով բաց դիրքերի վերազնահատումից՝ պայմանավորված հիմքում ընկած տոկոսադրույքի՝ Բանկի համար անբարենպաստ փոփոխությամբ: Վերազնահատումները կառավարվում են բաց դիրքերի վրա գործող սահմանափակումների, ինչպես նաև հեջավորող ածանցյալ գործիքների միջոցով: 2023թ.-ի առաջին կիսամյակում էականորեն նվազել է փոփոխվող տոկոսադրույքով ակտիվների և պարտավորությունների ճեղքվածքը:

Տոկոսադրույքի ռիսկի տեսանկյունից առկա են որոշակի անորոշություններ՝ պայմանավորված աշխարհաքաղաքական զարգացումների և դրանց հետևանքով օտարերկրյա Կենտրոնական Բանկերի կողմից դրամավարկային քաղաքականության խստացմամբ: Մյուս կողմից, գնաճային դրական միտումներով պայմանավորված, միջնաժամկետ հորիզոնում հավանական է դրամավարկային քաղաքականության մեղմացում ՀՀ գործընկեր երկրներում: Քանի որ տեղական շուկաները դեռևս մասամբ են արձագանքել միջազգային շուկաներում տոկոսադրույքների բարձրացմանը, տեղական տոկոսադրույքների բարձրացում կարող է դիտարկվել: Տոկոսադրույքի ռիսկի կառավարման համակարգի հիմնական տարրերն են՝ ռիսկի ախորժակի սահմանաչափերը, զգայունության գնահատման համակարգը, ներքին պարամետրերը և նորմատիվները, ինչպես նաև ահազանգման և գործողությունների համակարգը:



Հիմնական ռիսկեր (շարունակություն)

Իրացվելիության ռիսկ

Իրացվելիության բոլոր գործակիցներն սպասվող ամենահավանական սթրեսային սցենարների դեպքում համապատասխանում են ՀՀ ԿԲ-ի կողմից սահմանված պահանջներին: 2023թ.-ի առաջին կիսամյակում իրացվելիության ռիսկը ոչ էական էր և զսպվում էր ընդհանուր ռիսկի պարամետրերի համակարգի շրջանակներում: Հաշվետու ժամանակաշրջանի դրությամբ Բանկի ավելցուկային իրացվելիության մակարդակը կազմել է շուրջ 75 մլրդ դրամ, ինչն ապահովում է ներքին և արտաքին նորմատիվների մակարդակների պահպանում սթրեսային սցենարների դեպքում, որոնք սակայն ունեն փոքր հավանականություն՝ ներկայիս մակրոտնտեսական միջավայրի և սպասումների պայմաններում:

Գործառնական ռիսկեր

Ներքին գործընթացների կարգավորման և վերահսկման շնորհիվ բանկը գործառնական ռիսկը պահում է ցածր մակարդակի վրա: 2023թ. 1-ին կիսամյակի կրած ընդհանուր գործառնական վնասը չի գերազանցել Բանկում գործառնական վնասի համար սահմանված կորուստների ընդունելի չափի 1%-ը:

Համաշխարհային տնտեսական միջավայրի անբարենպաստ զարգացումների, հնարավոր սցենարների վերլուծության, ռիսկերի գնահատման և կառավարման ուղղությամբ շարունակական գործողություններ են իրականացվում բանկի Արտակարգ իրավիճակում գործարար գործընթացների անընդհատության կառավարման քաղաքականության և Ամերիաբանկ ՓԲԸ Ֆինանսական վիճակի էական վատթարացման դեպքում ֆինանսական վիճակի բարելավմանն ուղղված վերականգնման ծրագրի համաձայն:

Բանկի գործընթացները, պրոդուկտները, համակարգերը հիմնականում գտնվում են ընդունելի գործառնական ռիսկի պայմաններում:

Երկարաժամկետ հորիզոնում էական գործառնական ռիսկի աղբյուր է շարունակում մնալ կիբերհանցագործությունների ավելացումը ամբողջ աշխարհում, որը թիրախավորում է առաջին հերթին հենց բանկային ոլորտը: Համացանցի և բջջային հավելվածների միջոցով իրականացվող առևտրի ծավալի աճին զուգահեռ ողջ աշխարհով մեկ աճում է նաև քարտային զեղծարարությունների և ֆիշինգային հարձակումների թիվը:



Հիմնական ռիսկեր (շարունակություն)

Բանկային բիզնեսի թվային վերափոխման միտումներով պայմանավորված հնարավոր է նաև գործառնական ռիսկերի և տեղեկատվական անվտանգության ռիսկերի հետ կապված դեպքերի քանակային աճ: Այս ռիսկերի արդյունավետ կառավարման նպատակով ուշադրության կենտրոնում են շարունակում մնալ տեղեկատվական տեխնոլոգիաները, SS անվտանգության ապահովման մեխանիզմները, տեղեկատվական անվտանգության կառավարման համակարգերը, ընթացիկ պրոյեկտները և նոր ներդրված համակարգերը:

Շրջակա միջավայրի և սոցիալական ռիսկեր

Ամերիաբանկ ՓԲԸ-ը, կարևորելով շրջակա միջավայրի և սոցիալական ռիսկերի կառավարումը, իր գործունեության ընթացքում ապահովում է շրջակա միջավայրի և սոցիալական օրենսդրական պահանջների համապատասխանություն և միջազգային լավագույն փորձի ներդրում: Բանկը շարունակել է նաև Կանաչ վարկերի ֆինանսավորումը, մասնավորապես վերականգնվող էներգիային ուղղորդում:

Բանկի կողմից ֆինանսավորվող ծրագրերի գնահատումն իր մեջ ներառում է նաև շրջակա միջավայրի և սոցիալական ռիսկերի գնահատում, ինչի արդյունքում Բանկի վարկային պորտֆելի շրջակա միջավայրի և սոցիալական ռիսկերը գտնվում են կառավարելի մակարդակում: Բանկի կողմից չեն ֆինանսավորվում այն ծրագրերը, որոնցում առկա են շրջակա միջավայրի կամ սոցիալական էական ռիսկեր, ինչպես նաև օրենսդրությամբ և միջազգային ստանդարտներով սահմանված արգելված գործունեություն:

Այլ ռիսկեր

Բանկի ֆինանսական վիճակի վրա հաշվետու ժամանակաշրջանում էական ազդեցություն չեն գործել համբավի, իրավական և բիզնես մոդելի (մարտավարության) ռիսկերը: Ճնորհիվ Բանկում ներդրված գործընթացների` համակարգերի նշված ռիսկերը կառավարվել են պատշաճ մակարդակով, և բացասական սպասումներ ընթացիկ տարվա ընթացքում չեն ձևավորվել:



2023թ. առաջին կիսամյակի ամփոփ նկարագիր

2023թ.-ի առաջին կիսամյակում բանկը գործել է սահմանված ռազմավարական ռիսկի ախորժակի շրջանակներում: Կրած կորուստները չեն գերազանցել կապիտալի նախատեսված մասնաբաժինը: Բանկի կապիտալի համարժեքության ցուցանիշը գտնվել է ընդունելի մակարդակում ողջ ժամանակահատվածի համար: 2023թ.-ի առաջին կիսամյակի ընթացքում վնասների հիմնական աղբյուր են հանդիսացել շուկայական և վարկային ռիսկերը. այլ աղբյուրներից կուտակված վնասները չեն ունեցել որևէ զգալի ազդեցություն Բանկի ֆինանսական վիճակի վրա:



Կառավարման հաշվետվություն



Ուժեղ թիմ և կորպորատիվ մշակույթ

1

Բացառիկ կորպորատիվ մշակույթ, հորիզոնական կառավարում և միայն արժանիքների վրա հիմնված վարձատրության համակարգ

2

ՀՀ շուկայում ֆինանսական ծառայություններ մատուցող ամենապրոֆեսիոնալ և տաղանդավոր թիմերից մեկը

3

Խորհրդին կից կոմիտեներ` լավագույն միջազգային չափանիշներին համապատասխան

4

Փորձառու և բազմակողմանի միջազգային փորձ ունեցող Խորհրդի անդամներ

5

Լավագույն փորձի վրա հիմնված կորպորատիվ կառավարման համակարգ և սկզբունքներ




Կորպորատիվ կառավարման կառուցվածքը

Կորպորատիվ կառավարումն Ամերիաբանկում միտված է հավասարակշռելու Բանկի բաժնետերերի, Տնօրենների Խորհրդի, գործադիր ղեկավարության և այլ շահագրգիռ անձանց շահերը, սահմանելու կորպորատիվ հարցերով որոշումներ կայացնելու կանոններն ու ընթացակարգերը, ինչպես նաև ներդնելու կորպորատիվ կառավարման այնպիսի համակարգ, որը թույլ կտա ստեղծել վստահության, թափանցիկության և հաշվետվողականության միջավայր ու կնպաստի անհրաժեշտ երկարաժամկետ ներդրումների, ֆինանսական կայունության և աճի խթանմանը:

Ամերիաբանկը շարունակաբար կատարելագործում է իր կորպորատիվ կառավարման համակարգը՝ համապատասխանեցնելով այն միջազգային լավագույն փորձին և կիրառելի օրենսդրական և կանոնակարգային պահանջներին:

Բանկի կորպորատիվ կառավարման համակարգը ներառում է հետևյալ մարմինները. Բաժնետերերի ընդհանուր ժողով (Բանկի կառավարման բարձրագույն մարմինը), Տնօրենների խորհուրդ, Տնօրենների խորհրդին կից կոմիտեներ, Տնօրինություն և Գլխավոր տնօրեն:



Տնօրենների խորհուրդ



**Անդրեյ
Մկրտչյան**

**Տնօրենների
խորհրդի
նախագահ**

Ունի խորհրդատվության ավելի քան 25 տարվա փորձ ներդրումային և կառավարման ոլորտներում, Հայաստանում ներդրումաբանկային ոլորտի հիմնադիրներից է, մի շարք մասնավոր և պետական կազմակերպությունների խորհրդի անդամ:



**Լինդսի Մ.
Ֆորբս**

**Տնօրենների
խորհրդի անդամ**


Ավելի քան 40 տարվա փորձ առևտրային և ներդրումային բանկային գործառնությունների ոլորտում, որից ավելի քան 20 տարին՝ Վերակառուցման և զարգացման եվրոպական բանկում (ՎՋԵԲ): Նախքան ՎՋԵԲ տեղափոխվելը 13 տարի աշխատել է British Linen Bank-ում՝ Bank of Scotland-ի՝ ներդրումային բանկային գործունեության մեջ մասնագիտացող դուստր ընկերությունում:



**Ֆիլիպ
Լինն**

**Տնօրենների
խորհրդի անկախ
անդամ**

Ավելի քան 30 տարվա փորձ ֆինանսների բնագավառում, որից 20 տարուց ավել՝ Lehman Brothers ընկերությունում ղեկավար պաշտոններում: Զբաղեցրել է Nomura-ի գլխավոր գործադիր տնօրենի պաշտոնը՝ Մերձավոր Արևելքի, Ասիա-Խաղաղ օվկիանոս տարածաշրջանի և Աֆրիկայի գծով, իսկ այժմ՝ Stem Capital Partners ընկերության (ուղղակի ներդրումներով զբաղվող անկախ ընկերություն) հիմնադիր գործընկերն է:



**Ռոբերտ Ֆոն
Ռեկովսկի**

**Տնօրենների
խորհրդի անկախ
անդամ**

Շուրջ 30 տարվա փորձ համաշխարհային մակարդակով ակտիվների կառավարման ոլորտում, մասնագիտանում է զարգացող շուկաների ներդրումային ֆոնդերում, եղել է «Ֆիդելիթի Ինվեսթմենթս» ընկերության զարգացող շուկաների ռազմավարության բաժնի փոխնախագահը և ընկերության պորտֆելի կառավարիչ:



**Ռիչարդ Փ.
Օգոն**

**Տնօրենների
խորհրդի անկախ
անդամ**

Ավելի քան 30 տարի ֆինանսական ոլորտում, զբաղեցրել է ղեկավար պաշտոններ ներդրումային բանկերում, ակտիվների կառավարման և խորհրդատվական ընկերություններում (UBS Warburg, Uralsib և այլն), ներկայումս՝ SS ոլորտում գործունեություն ծավալող TrData ընկերության գործադիր տնօրենն է:



**Կախա
Կիկնավելիձե**

**Տնօրենների
խորհրդի անկախ
անդամ**

Ավելի քան 25 տարվա փորձ առևտրային և ներդրումային բանկերում, երկար ժամանակ եղել է Bank of Georgia Group-ի՝ վրաստանի առաջատար ֆինանսական հաստատության տնօրենների խորհրդի անկախ անդամ, հետագայում՝ գործադիր տնօրեն: Զբաղեցրել է բարձր ղեկավար պաշտոններ՝ UBS-ում, Rioni Capital-ում և այլ ֆինանսական հաստատություններում:



**Տիգրան
Դավթյան**

**Տնօրենների
խորհրդի անկախ
անդամ**

Գրեթե 30 տարվա հարուստ աշխատանքային փորձ ֆինանսական ոլորտում, ղեկավար պաշտոններ է զբաղեցրել մի շարք առևտրային բանկերում և ավելի քան 8 տարի աշխատել է որպես գլխավոր գործադիր տնօրեն: Ղեկավար պաշտոններ է զբաղեցրել նաև ՀՀ Կենտրոնական Եվրասիական տնտեսական հանձնաժողովում:



Տնօրենների խորհրդին կից կոմիտեներ

	Աուդիտի կոմիտե	Կորպորատիվ կառավարման և ղեկավար անձնակազմի նշանակման կոմիտե	Վարձատրության կոմիտե	Ռիսկերի կառավարման կոմիտե
Լինդսի Ֆորբս	ղեկավար			անդամ
Ռոբերտ Ֆոն Ռեկովսկի		անդամ	ղեկավար	
Ռիչարդ Օգոն	անդամ			ղեկավար
Կախաբեր Կիկնավելիձե		ղեկավար	անդամ	
Տիգրան Դավթյան	անդամ			անդամ
Ֆիլիպ Լինչ		անդամ	անդամ	

Անդրեյ Մկրտչյան



Տնօրինություն



Արտակ Հանեսյան

**Տնօրինության
նախագահ-գլխավոր
տնօրեն**

Ավանառու բանկիր՝
Հայաստանի
առևտրային
բանկերում ավելի
քան 25 տարվա
փորձով:
Ամերիաբանկի
գլխավոր տնօրենն է
2008թ-ից, մինչ այդ
ևս զբաղեցնում էր
ղեկավար
պաշտոններ, այդ
թվում՝ գլխավոր
տնօրենի տեղակալի
և գլխավոր տնօրենի
պաշտոններ ՀՀ
բանկային
համակարգում:



Հովհաննես Թորոյան

**Ֆինանսական
տնօրեն**

Ավելի քան 15 տարվա
աշխատանքային փորձ
ՀՀ բանկային
համակարգում, որից 10
տարին՝
Ամերիաբանկում:
Պատասխանատու է
եղել ռազմավարության,
հետազոտությունների,
ակտիվների և
պարտավորությունների
կառավարման
ուղղությունների
համար:
2022 թ. 3-րդ
եռամսյակում
նշանակվել է
Ամերիաբանկի
ֆինանսական գծով
տնօրեն:



Գագիկ Սահակյան

**Կորպորատիվ և
տերրիտորիալ բանկինգի
գծով տնօրեն**


Ծուրջ 10 տարվա փորձ
կորպորատիվ
բանկային
գործառնությունների և
ավելի քան 15 տարվա
փորձ՝ կառավարման
խորհրդատվական
ծառայությունների
ուղղությամբ:
Մասնագիտական
ուղին սկսել է «Ամերիա»
ՓԲԸ-ում, որը մի քանի
տարի ղեկավարելուց
հետո ստանձնել է
կորպորատիվ
բանկային
գործունեության գծով
տնօրենի պաշտոնն
Ամերիաբանկում
(2010թ-ից):



Արման Բարսեղյան

**Մանրածախ
բանկինգի
տնօրեն**

Ավելի քան 20
տարվա փորձ
մանրածախ
բանկային
գործունեության
ուղղությամբ ՀՀ
առևտրային
բանկերում, որից
15 տարին «HSBC
Բանկ
Հայաստան»-ում:
Ամերիաբանկի
մանրածախ
բանկինգի
տնօրենի
պաշտոնն
ստանձնել է 2012թ.:



Արմինե Ղազարյան

**Տաղանդների
կառավարման և
ծառայությունների
գծով տնօրեն**

Ծուրջ 20 տարի ՀՀ
բանկային
համակարգում,
որից 15 տարին
մարդկային
ռեսուրսների
կառավարման
(ՄՌԿ) ուղղությամբ:
2008թ-ից
զբաղեցնում էր
Ամերիաբանկի
ՄՌԿ բաժնի
ղեկավարի
պաշտոնը, իսկ
տաղանդների
կառավարման և
ծառայությունների
գծով տնօրենի
պաշտոնն
ստանձնել է
2019թ-ին:



Անդրանիկ Բարսեղյան

**Ռիսկերի
կառավարման
գծով տնօրեն**

Ծուրջ 25 տարվա փորձ
ֆինանսական
հաստատություններում
ռիսկերի
կառավարման և
տեխնոլոգիաների
ավտոմատացման
ուղղությամբ:
Ամերիաբանկի
Ռիսկերի
կառավարման
կենտրոնի ղեկավարի
պաշտոնն ստանձնել է
2009թ-ին:



Գոհար Խաչատրյան

**Գլխավոր
հաշվապահ**

Ծուրջ 30 տարվա
փորձ ՀՀ
բանկային
համակարգում,
որից 10 տարի
Կենտրոնական
բանկում և ավելի
քան 20 տարի
որպես գլխավոր
հաշվապահ
Ամերիաբանկում:



Ֆինանսական հաշվետվություններ



ՀՈԴՎԱԾ	2023թ. 2-րդ եռ.	2022
Դրամական միջոցներ և դրանց համարժեքներ	123,059,217	112,800,903
Շահույթի կամ վնասի միջոցով իրական արժեքով չափվող ֆինանսական գործիքներ	12,776,472	10,721,168
Վաճառքի համար մատչելի ֆինանսական ակտիվներ	34,956,880	57,363,607
Միջոցների կարճաժամկետ տեղաբաշխում դրամական շուկայում	89,698,603	142,051,394
Հաճախորդներին տրված վարկեր և փոխատվություններ	839,915,513	735,543,120
Մինչև մարումը պահվող ներդրումներ	110,225,524	156,701,885
Հիմնական միջոցներ և ոչ նյութական ակտիվներ	23,690,803	22,581,859
Այլ ակտիվներ	17,693,306	14,065,870
Ընդամենն ակտիվներ	1,252,016,318	1,251,829,806
Շահույթի կամ վնասի միջոցով իրական արժեքով չափվող ֆինանսական պարտավորություններ	-	69,563
Պարտավորություններ բանկերի նկատմամբ	54,387,328	66,621,817
Հաճախորդների ընթացիկ հաշիվներ և ավանդներ	837,256,441	784,634,192
Այլ փոխառու միջոցներ	26,007,723	58,124,688
Ստորադաս փոխառություններ	27,963,304	28,155,324
Այլ պարտավորություններ	129,811,041	142,172,677
Ընդամենը պարտավորություններ	1,075,425,837	1,079,778,261
Բաժնետիր. կապիտալ և էմիս. եկամուտ	54,741,241	54,618,878
Վերագնահատման պահուստ	(1,029,462)	(1,473,167)
Զբաղիված շահույթ	122,878,702	118,905,834
Կապիտալ	176,590,481	172,051,545



Եկամուտ և ծախսեր

Հազար ՀՀ դրամ

ՀՈԴՎԱԾ	2023թ. 2-րդ եռ.	2022թ. 2-րդ եռ.
Ջուտ տոկոսային եկամուտ	34,135,393	21,811,141
Ջուտ եկամուտ միջնորդավճարներից և այլ նմանատիպ եկամուտ	6,393,962	3,650,801
Ջուտ շահույթ/(վնաս) առևտրային գործառնություններից	11,536,492	14,657,620
Այլ գործառնական եկամուտ/(ծախս)	(3,061,652)	(1,707,718)
Գործառնական եկամուտ	49,004,195	38,411,844
Կորուստներ արժեզրկումից	(2,846,806)	116,406
Անձնակազմի ծախսեր	(14,690,085)	(11,160,341)
Ընդհանուր վարչ. ծախսեր	(4,850,030)	(3,852,414)
Շահույթ/(վնաս) նախքան հարկումը	26,617,274	23,515,495
Շահութահարկ	(4,944,406)	(4,405,918)
Ջուտ շահույթ/(վնաս)	21,672,868	19,109,577



ՀՀ ԿԲ-ի տնտեսական նորմատիվներ

ՀՈԴՎԱԾ	2021	2022	2023թ. 2-րդ եռ. ՀՀ ԿԲ պահանջ	Խախտում	
Նվազագույն կանոնադրական կապիտալ (հազ. ՀՀ դրամ)	54,385,935	54,414,765	54,466,380	50,000	Չկա
Նվազագույն ընդհանուր կապիտալ (հազ. ՀՀ դրամ)	143,832,191	183,483,587	205,209,444	30,000,000	Չկա
Ն1.2՝ Ընդհանուր կապիտալ/ռիսկոյվ կշռված ակտիվներ	15.29%	17.40%	17.70%	12.00%	Չկա
Ն2.1՝ Բարձր իրացվելի ակտիվներ/ընդհանուր ակտիվներ	31.84%	30.42%	28.77%	15.00%	Չկա
Ն2.1.1՝ Առաջին խմբի արժույթով բարձր իրացվելի ակտիվներ/առաջին խմբի արժույթով ընդհանուր ակտիվներ	33.46%	30.91%	32.92%	4.00%	Չկա
Ն2.2՝ Բարձր իրացվելի ակտիվներ/ցպահանջ պարտավորություններ	110.18%	75.48%	70.04%	60.00%	Չկա
Ն2.2.1՝ Առաջին խմբի արժույթով բարձր իրացվելի ակտիվներ/առաջին խմբի արժույթով ցպահանջ պարտավորություններ	121.88%	74.41%	78.14%	10.00%	Չկա
Ն3.1՝ Մեկ փոխառուի գծով ռիսկի առավելագույն չափ	11.75%	17.36%	17.63%	20.00%	Չկա
Ն3.2՝ Խոշոր փոխառուների գծով ռիսկի առավելագույն չափ	147.15%	95.47%	102.03%	500.00%	Չկա
Ն4.1՝ Բանկի հետ կապված մեկ անձի գծով ռիսկի առավելագույն չափ	3.44%	1.62%	2.10%	5.00%	Չկա
Ն4.2՝ Բանկի հետ կապված բոլոր անձանց գծով ռիսկի առավելագույն չափ	10.28%	8.25%	10.65%	20.00%	Չկա
ՀՀ ԿԲ-ում տեղաբաշխվող պարտադիր պահուստների նվազագույն չափ	X	X	X	4%	Չկա
ՀՀ դրամ				18%	
Արտարժույթ					
Արժութային դիրքի և բանկի ընդհանուր կապիտալի առավելագույն հարաբերակցությունը	0.07%	2.58%	2.21%	10.00%	Չկա



Ֆինանսական

Հաշվետվություններ և կից
ծանոթագրություններ:

այստեղ



Հաշվետու թողարկողի պատասխանատու առձանց հայտարարություն







«ԱՄԵՐԻԱԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

Գտնվելու վայրը՝ ԶԶ, ք. Երևան, Վ. Սարգսյան 2,
 Դեռախոս՝ (+37410) 56 11 11, Ֆաքս՝ (+37410) 51 31 33

ՀԱՆՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Սույնով հաստատում ենք, որ մեր լավագույն տեղեկացվածության համաձայն՝

1. «Ամերիաբանկ» ՓԲԸ /այսուհետ՝ Թողարկող/ 2023թ. առաջին կիսամյակի հաշվետվությունում ներառված տեղեկությունները ճշգրիտ և լիարժեք են և բոլոր էական առումներով համապատասխանում են «Արժեթղթերի շուկայի մասին» ՀՀ օրենքի և ՀՀ ԿԲ Կանոնակարգ 4/04-ի պահանջներին:
2. Ներկայացված՝ 2023թ. երկրորդ եռամսյակի աուդիտ չանցած ֆինանսական հաշվետվությունները կազմված են ֆինանսական հաշվետվությունների միջազգային ստանդարտների համաձայն և, բոլոր էական առումներով, ճշգրիտ և լիարժեք ձևով արտացոլում են Թողարկողի ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը 2023թ. հունիսի 30-ի դրությամբ, ինչպես նաև Թողարկողի գործունեության արդյունքներն ու դրամական միջոցների հոսքերը հաշվետու ժամանակաշրջանի համար:


Արտակ Հանեսյան (անուն, ազգանուն)	Տնօրինության նախագահ - Գլխավոր տնօրեն (պաշտոն)	 (ստորագրություն)
Հովհաննես Թորոյան (անուն, ազգանուն)	Ֆինանսական տնօրեն (պաշտոն)	 (ստորագրություն)
Աննա Վարդանյանց (անուն, ազգանուն)	Տնօրինության անդամի ժ/պ (պաշտոն)	 (ստորագրություն)
Արման Բարսեղյան (անուն, ազգանուն)	Մանրածախ բանկինգի տնօրեն (պաշտոն)	 (ստորագրություն)

Անդրանիկ Բարսեղյան

(անուն, ազգանուն)

Ռիսկերի կառավարման գծով տնօրեն

(պաշտոն)



(ստորագրություն)

Գագիկ Սահակյան

(անուն, ազգանուն)

Կորպորատիվ և ներդրումային բանկինգի գծով տնօրեն

(պաշտոն)



(ստորագրություն)

Գոհար Խաչատրյան

(անուն, ազգանուն)

Տնօրինության անդամ, Գլխավոր հաշվապահ

(պաշտոն)


(ստորագրություն)